




14/19

Bosnia and Herzegovina  
Federation of Bosnia and Herzegovina  
**CANTON SARAJEVO**  
Institute for Construction of Canton Sarajevo

Broj: 03-45-4298/23  
Sarajevo, 04.05.2023.god.

BOSNA I HERCEGOVINA  
Federacija Bosne i Hercegovine  
**KANTON SARAJEVO**  
**SKUPŠTINA KANTONA**



**Predmet: Odgovor na zastupničku inicijativu zastupnice Elze Gaković**

Poštovani,

Zavod za izgradnju Kantona Sarajevo je dana 05.04.2023. godine zaprimio Vaš dopis broj 01-04-8156-3/23 od 29.03.2023.godine u kojem dostavljate inicijativu Elze Gaković u kojoj se traži revizija geologije svih već utvrđenih područja nestabilnih terena na padinskim dijelovima Kantona Sarajevo.

Smatramo za shodno istaći da je, Studija stabilnosti terena KS, 2011. rađena je za potrebe izmjene i dopune Prostornog plana Kantona Sarajevo 2003. - 2023. godine. Cilj ovog projekta je bio dobiti cjelovitu informaciju o kategorijama stabilnosti terena Kantona Sarajevo, lokacijama klizišta, pogodnosti terena za gradnju objekata, seizmotektonskim karakteristikama terena, kriznim područjima sa aspekta prostornog planiranja, uslovima planiranja i izgradnje na pojedinim kategorijama terena i na kraju digitalnu grafičku i pisanu bazu podataka u GIS okruženju.

Nosioc izmjene i dopune Prostornog plana Kantona Sarajevo je Zavod za planiranje razvoja Kantona Sarajevo. Za izradu Studije stabilnosti KS, 2011. provedeni su istražni radovi. Istražne radove i izradu Studije stabilnosti KS, 2011. za Zavod za planiranje razvoja KS izveo je WINNER PROJECT d.o.o. Sarajevo.

Prostorni plan Kantona Sarajevo ističe 2023. godine, čime je otvorena mogućnost da se provede revizija stabilnosti terena na teritoriji svih općina KS.

Nosioc izrade prostorno planske dokumentacije dužan je prema Zakonu o geološkim istraživanjima (Sl. Novine Kantona Sarajevo, br.41/12) član 10, stav (1), tačka h), provesti geološka istraživanja, ako su ona od interesa za Kanton Sarajevo.

Rješavanje klizišta u Kantonu Sarajevo predstavlja kompleksan problem, posebno ako se uzme u obzir intenzivna nelegalna gradnja, koja je najviše prisutna na padinskim dijelovima Kantona Sarajevo.

Za rješavanja ovog problema potreban je stratejski i institucionalni pristup. **Potrebno je donošenje zakonske regulative ili podzakonskog akta o klizištima**, koji se već dugi niz godina predlaže, a kojim bi se jasno definisale nadležnosti u sanaciji klizišta i nestabilnih padina, izvori finansiranja, način upotrebe zemljišta nakon sanacije i dr.

Bitno je naglasiti da je nelegalna gradnja na području KS, posebno na padinskim područjima znatno uticala na stabilnost terena. Jako je bitno smanjiti ili u potpunosti zaustaviti nelegalnu i neplansku

gradnju. Gradnju neplanskih naselja ne prati u potrebnom obimu komunalna infrastruktura što je još jedan od faktora koji utiču na stabilnost terena u padinskim područjima. Sanacija klizišta nestabilnih terena u takvim područjima je teško izvodiva.

Jedna od otežavajućih okolnosti su mnogobrojne procedure koje su definisane djelimično različitim zakonskim aktima. Iz ovog razloga su procesi hitnih sanacija klizišta dugotrajni.

Za rješavanje ovog već kompleksnog problema potreban je sistemski i planski pristup.

Treba izdvojiti da je pod pokroviteljstvom Svjetske Banke u Sarajevu, u period 6. do 8. marta 2023. godine održana Radionica: Gradovi otporni na klimatske promjene, gdje je jedna od tema bila Upravljanje rizicima od klizišta u Kantonu Sarajevo.

Prezentirana su iskustva iz regija u Japanu koja imaju sličan problem kao Kanton Sarajevo, te je predložen model koji najviše odgovara rješavanju problema klizišta u Kantonu Sarajevo. Izlagači su predložili monitoring na osnovu kojeg bi se napravila ažurna karta podložnosti na klizanje Kantona Sarajevo što bi bila osnova za dalju plansku gradnju u KS. Predložen je princip koji je već uveliko uveden u praksu u regiji i šire.

Koristimo također priliku da predložimo da se pitanje rješavanja klizišta, nestabilnih terena i nelegalne gradnje na području KS, aktuelizira u Skupštini KS, **kako bi se donio zakonski akt kojim bi se definisale jasne nadležnosti u rješavanju problema sa klizištima i gradnje na nestabilnim terenima, a samim tim olakšale i ubrzale procedure u procesu sanacije klizišta i nestabilnih terena.**

Zavod za izgradnju Kantona Sarajevo nema definisane nadležnosti za sanaciju klizišta osim u slučajevima kada je klizište Odlukom Vlade KS proglašeno od interesa za Kanton Sarajevo, a odnosi se na usluge stručnog nadzora.

Zavod za izgradnju KS je od Ureda za reviziju FBiH dobio mišljenje prema Zakonu o organizaciji i djelokrugu organa uprave i upravnih organizacija Kantona Sarajevo da nije ovlašten da obavlja stručne poslove, koji se odnose na provođenje javnih nabavki i druge poslove radi sanacije klizišta za potrebe Općina. Nepostupanje po preporukama Ureda za reviziju može biti razlog za krivičnu odgovornost odgovornih lica u Zavodu za izgradnju Kantona Sarajevo.

S poštovanjem!

Pripremio:

Muris Mujkić, dipl.ing.geol.

Odobrio:

Pomoćnik direktora:

Mirsad Okučić, dipl.ing.grad.

Direktor:

Belma Barlović, dipl.ing.arh.